



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Glorificationes seu gaudia specialia XV. Domini Iesu Christia, vna cum suis
precactionibus.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

**GLORIFICATIONES SEV GAUDIA SPECIA-
lia XV. Domini Iesu Christi, una cum suis peccati-
onibus.**

*Iesu Christi anima sanctissima, vii post expirationem in cruce descendens ad limbum
sanctorum Patrum.*

GLORIFICATIO I.

Ave altitudo & gloria omnium Sanctorum, rex victoriosissima
Christe Iesu: Laudo, benedico & adoro te pro illo ineffabili gaudio,
quo cum diuinitatis potentia anima tua sanctissima, morte deu-
icta, ad inferos descendens, con fractis portis mortis, Diuina clari-
tatis iubar coruscus, limbum es ingressus, atque à diu te expectan-
tibus Patriarchis & Prophetis, ceterisque electis animabus Patrum
cateruatim tibi occurrentibus, postulata de offensis ventis, suppliciter adoratus,
cum laudum ineffabili iubilo es susceptus: illis cum lachrymis præ gaudio clama-
tibus: Aduenisti ò desiderabilis quem expectabimus in tenebris Aduenisti re-
demptor mundi, aduenisti, quem desiderantes quotidie expectabamus, eo quod
iam sua oracula & vaticinia per te cernerent gloriosè adimpleta.

Pro omnibus in purgatorio detentis, Precatio.

Descendant nunc misericordissime Iesu per hanc ineffabilem pietatem tuâ,
gratia & misericordia tua super animas famulorum famularumque tuarum,
parentum & propinquorum meorum, benefactorum & fratrum nostrorum,
recomendatorum & omnium fidelium defunctorum: vt eas à pœnis, quas pro
peccatis suis merentur, eripias, & ad gaudia æterna perducas, Amen.

*Iesu Christi anima, vii triduo ante resurrectionem suam morata fuerit cum animabus
sanctis à limbo liberatis.*

GLORIFICATIO II.

Ave pulchritudo sanctorum Angelorum, & requies æterna omnium fidelium,
Iesu rex optime: Laudo, benedico & adoro te pro illo ineffabili gaudio, quo
illo optabili triduo cum patribus diuinitatis tue contemplatione (omni
miseria procul pulsa) iam beatificatis, in laudibus & hymnis ipsorum persistens,
gaudebas te omnes tribulationes, totius mortis pœnas vicisse, & tot homines tua
pretiosissima morte ab æterna damnatione liberaſſe: sed multo magis de tanto &
sali privilegio à Deo Patre tibi donato exultabas, quod tu hoc solus, & nemo alius
perficere potuisti.

Pro anime puritate veri, gaudij infusione, Precatio.

O dator gaudij, & luctus subleuator dulcissime Iesu, per tuæ diuinitatis po-
tenciam, destrue in me omne quod tibi displicet, per tuæ claritatis virtutem,
purga & illumina animam meam à tenebris peccatorum & propter om-
nium sanctorum Patriarcharum, Prophetarum, aliorumque electorum tuorum
omnium merita, visita, refice & conforta me semper tua ineffabili suauitate, vt
omnes consolationes vanas & inutiles funditas à me rejiciam & contempnam, &
post hanc vitam ad illud ineffabile gaudium, quo sancti Patres à te redempti per-
ducti sunt, per tuam misericordissimam clementiam perueniam, Amen.

Iesu Christi anima, vti animas e lyngo ereptas in paradysum introduxerit.

GLORIFICATIO III.

AVe Sampson fortissimè moriens, & hostilem exercitum prosteruens, Iesu rex inuictissime: Laudo, benedico, & adoro te pro illo ineffabili gaudio, quod amici & electi tui in lyngo tecum habuerunt, quando per diuinitatis tuæ potentiam, alligato diabolo, eos ab inferis eduxisti, & ante eos cum laudis triumpho lætus & gloriosus præcedens, comitante & iubiliante Angelorum exercitu, ipsos in paradysum voluptatis introduxisti.

Aduersus quamuis prauam libertatem & consuetudinem, Precatio.

Iesu bone, descendat super me quæse miserum peccatorem misericordia tua, quæ confringat in me portas æres prauæ consuetudinis, astringat libertatem propriæ voluntatis, conuerat virtutem diabolicæ suggestionis, liberet me captiuum de carcere peccati, de barathro visiorum & tentationum, & colloce me in paradysum sempiternæ charitatis, Amen.

Iesus Christus vti suum corpus glorificauerit, & sua mœstissima matri resurgens apparuerit.

GLORIFICATIO IV.

AVe mortis nubilo eclypsatus sol refulgens, Iesu rex gloriæ: Laudo, benedico & adoro te pro illo ineffabili gaudio, quo die tertio corpus tuum beatissimum immortalitatis gloria beatificatum, impasibile & gloriosum reassumens, de clauso prodiens tumulo, victor à mortuis resurrexisti, atque tuæ matri mœstissimæ ardentissimis desiderijs te expectanti, immortalis & gloriosus apparrens, ipsam reuerenter salutatam, benignè consolans, indicibili gaudio lætificasti.

Pro vitiorum, propriæ voluntatis morte, ac triumpho de inimicis, augmentoq; charitatis ac donorum Spiritus sancti, Precatio.

Domine Iesu Christe pater clementissime, qui à morte resurgens, ministrum mortis superasti, omnesq; in Adam mortuos, ad vitam reparasti: fac me per virtutem tuæ benedictæ passionis, propriam voluntatem & omnes prauas affectiones, morus & passionis in me fortiter mortificare, tentationes omnes superare, de omnibus inimicis meis triumphare, vt tam intensa, tamq; indissolubili tibi adhæream charitate, vt nullatenus gratiæ tuæ vitam amittere aut perdere valeam. Supplico etiam tibi, dulcissime Iesu, vt amore illius gaudij, quod benedicta mater tua habuit, quando te vidit & ei apparuisti in sanctissima nocte Paschæ, & per illud gaudium quod habuit, quando te vidit glorificatum per diuinitatis claritatem, illumines & confirmes atque confortes cor meum septem donis Spiritus sancti, vt tuam voluntatem adimplere valeam omnibus diebus vitæ meæ, Amen.

Iesus Christus vti glorificationem diuinæ claritatis acceperit à Patre in sua humanitate, & pro omnibus suis membris electis.

GLORIFICATIO V.

AVe claritas & puritas Angelorum, pulchritudo & amoenitas omnium beatorum, Iesu Christe, rex bone: Laudo, benedico, & adoro te pro illo ineffabili gaudio quod habuisti, quando tua beatissima humanitas in resurrectione glorificationem diuinæ clarificationis suscepit à Patre, & in se omnibus electis glorificationem æternam in sua diuinitate tribuit.

Pro

Pro clarificatione anime post exitum huius vite, Precatio.

O Amantissime Iesu Christe, Dei & hominum mediator, rogo te per ineffabile gaudium tuæ glorificationis, vt animam meam in hac vita purgare digneris ab omnibus maculis & tenebris peccatorum, vt ad illam securus perueniam claritatem, statim post exitum anime meæ de corpore, quam mihi incomparabili pretio nobilissimi sanguinis tui & pretiosissima morte tua comparasti, Amen.

Iesus Christus vt omnium membrorum suorum glorificationis inestimabilem claritatem accepit à Patre.

GLORIFICATIO VI.

A Vegloria, honor, laus, & felicitas Sanctorum Angelorum, & gaudium æternum omnium Sanctorum, Iesu Christe rex gloriæ: Laudo, benedico, adoro, magnifico, & glorifico te, pro illo singulari gaudio, quod habuisti, quando charitas inestimabilis, quæ te in mundum de sinu Patris tui deposuit, & omnibus miserijs, poenis & infirmitatibus, absque peccato, te subiacere fecit, nunc in gloriosa resurrectione tua, te & omnia membra tua, sicut in passione in tolerabili dolore repleuerat, incomparabili gaudio, honore & decore repleuit.

Pro lumine gratis, perfectione, diuina voluntatis, Precatio.

O Iesu amabilissime, per illud gaudium tuum rogo te, da mihi lumen gratiæ tuæ ad cognoscendum, & auxilium virtutis tuæ ad perficiendum in omnibus beneplacitum sanctissimæ voluntatis tuæ, vt sciam & feruentissime perficiam quicquid sit acceptum coram te omni tempore, ne vnquam negligam vel omittam, quod velis per me fieri, nec vnquam faciam, quod velis omitti, Amen.

Iesus Christus vt electorum animos misericordia repletos, sua resurrectione, crebris, apparitionibus, gaudio consolationeque, affecerit.

GLORIFICATIO VII.

A Ve conuiuium plenissimum, pax dulcissima, solamen & consolatio omnium pie merentium, Iesu dulcissime: te laudo, adoro, magnifico, glorifico & benedico tibi pro illo ineffabili gaudio, quo ipso gloriosissimæ tuæ resurrectionis die, tuos electos pro te vehementer consternatos, lætificasti, ipsis apparens multis vicibus, dulciterque salutans, & pacem afferens: item cum illis conuiuans, & in fide exhortans corroborasti, & exinde per quadraginta dies crebris apparitionibus te eis manifestans, per multa argumenta instruens, scripturasque edisserens in fide plenè eorum animos consumasti.

Pro sui plena abnegatione, perfecta, obedientia, ac pectoris pace, Precatio.

D Ulcissime Iesu, bone Domine, per tuas apparitiones gaudiosas & colloquia suauissima, per gratissimam & iucundissimam moram quadraginta dierum, quam cum discipulis peregisti, donec in fide fierent perfecti, inflamma quæso cor meum igne perfectæ charitatis, vt promptissima & hilari voluntate meipsum ex toto abnegem & relinquam, tuamque voluntatem in omnibus perfectissime adimpleam: vt tibi sic in corde meo delectabile conuiuium perfectissimæ obedientiæ exhibeam: & non solum credendo & confitendo, sed iuxta omne beneplacitum tuum viuendo, & tibi seruiendo, resurrectionis tuæ testis fiam, vtque veram pacem pectoris in presenti, & æternitatis in futuro, te misericorditer dominante, impetrare valeam, Amen.

Iesus Christus vti ascensurus in celum, discipulis apparuit, cum eis comederit, eosque docuerit, ac in vniuersum predicaturos miserit.

GLORIFICATIO VIII.

A Ve fauus mellissimus, cibus, refectio, atque delectatio omnium beatorum spirituum Iesu Christe rex altissime. Laudo, benedico & adoro te pro illo ineffabili gaudio, quo à resurrectione tua die quadagesimo visione beatifica discipulos lætificasti, cum in monte Sion congregatis, iam ad Patrem ascensurus, apparuisti, atque cum eis dulciter & familiariter conuiuans, in crudelitatem & duritiam cordis eorum exprobrasti, dulci etiam, alloquio ipsos confortans & in vniuersum Orbem eos mittens, officium prædicandi in iunxisti eisdem.

Pro sui, omniumque rerum contempione, propriæque imperfectionis cognitione, Precatio.

O Dulcissime & amantissime Iesu Christe, per illud ineffabile gaudium rogo te, da mihi misero peccatori omnia terrena desideria calcare, & funditus in me per gratiam tuam extirpare, me ipsum & vniuersum mundum pro tui amore contemnere, vt, te ducente & miserante, ad perfectionem quandoque perfectæ & intensissimæ charitatis merear peruenire. Illumina etiam me perfectæ ad veram cognitionem propriæ vilitatis, impossibilitatis & nihilitatis. Fac me propriam cordis mei duritiam, ingratitude, peruersitatem, negligentiam & infinitas defectiones meas continuè dolendo pensare, & cum interna inreparatione & contritione semper emendationem proponere, & propositum renouare, vt semper in profunda & perfecta, tibi gratissima humilitate persistam, indeficienti & insatiabili studio tibi placere satagam, & tamen propriæ infirmitatis conscius, de propria virtute penitus desperans, in sola, tua miseratione contentem, Amen.

Iesus Christus vti in monte Oliueti sui electis apparuit, benedixit ac valedixit, eosque ad sus carnentibus, conscendit.

GLORIFICATIO IX.

A Ver rex gloriæ, Domine virtutum, omnipotens triumphator Iesu Christe Adoro, benedico & laudo te pro illo ineffabili gaudio, quo discipulis de Hierusalem in montem Oliueti ex tuo imperio egressis, apparuisti, & iam cum illa sanctissima electorum tuorum comitiua ad Patrem ascensurus, matris tibi dilectissimæ, mundi dominæ & Cœli reginæ, atque sanctissimis illis Ecclesiæ tuæ principibus Apostolis vltima benedictione valedicens, in oculis omnium affectuosissime intuentiam, propria virtute es eleuatus & currētibus tibi cum cœli ciuibus, totum cum laudis iubilo prosequētibz, super omnes Cœlos ascendens, ad consessum Patris dextræ es collocatus, & totam cœlestem Hierusalem noua lætitia & festiuitate lætificasti.

Pro animæ viuam, sensuumque, ac spiritus reformatione & inuersione in Deum, Precatio.

Iesu amabilissime & dulcissime, da mihi per gratiam tuam ingiter implere, quod per propriam infirmitatem non valeo cogitare, vt scilicet totum me, animam, spiritum, vires, sensus & omnes passiones meas post te trahas, vti omnia quæ mundi sunt oblitus, totus tibi in hæream, ardentissimis desiderijs te inquire, inde seisis suspirijs post te alacriter curram, nulli vnquam placere appetam, quam tibi

sibi soli, cui me totum debeo, quatenus anima mea possit huius calamitosæ vitæ æsummas sempiterno gaudio tecum in æterna beatitudine refici & exultare mereatur, Amen.

Iesus Christus vi suam glorificationem humanitatem omnesq; electas animas ex limbo liberatas Patri æterni conspectus gaudissime representavit.

GLORIFICATIO X.

Ave gloriosissime Rex regum, & Dominus dominantium, Christe Iesu: Adoro, benedico & laudo te pro illo ineffabili gaudio, quod sanctissima anima tua habuit, quando te in pignus & pretium redemptionis æternæ cum copiosa animarum multitudine ex inferno per te liberata una, tecum ascendentiura, & inestimabili gaudio iubilantium, Deo Patri presentasti.

Pro anime post hanc vitam perfectæ glorificatione, Precatio.

Tesu benignissime, Dei & hominum mediator, per illud suavissimum gaudium rogo te, vt in hora mortis meæ, sis animæ meæ pignus & pretium, persolvens omne debitum meum, placandus mihi Deum patrem & iudicem æquissimum, perducas animam meam ante conspectum ipsius placidissimum, repellens quosdam me omnes insidiantes mihi, atque querentes animam meam perdere, Amen.

Iesu Christo vii à Patre celesti data su omniu potestati in celo & in terra.

GLORIFICATIO XI.

Ave fons omnis gratiæ, & thesaurus beatitudinis æternæ Iesu elementissimus Adoro, benedico & laudo te pro illo ineffabili gaudio quod habuisti quando à Deo Patre tibi data est omnis potestas in celo, & in terra, remunerandi, ditandi & honorandi secundum liberalitatis tuæ magnificentiam omnes commilitones & amicos tuos, quos tam glorioso triumpho de tyrannica potestate liberasti.

Pro vita Iesu perfectæ imitatione, virtutumq; & meritorum ipsius participatione, Precatio XI.

O Iesu suavissime, per illud gaudium suavissimum rogo te, fac me participi omnium laborum & operum sanctissime vitæ, passionis & mortis tuæ. Trahe me post te, vt libenter te sequar & per viam despectionis & tribulationis desideranter gradiar, quatenus tua gratia me confortante, & ducete, fidelissimus vitæ tuæ, humillimus & feruentissimus imitator inueniar in patientissima tribulationum sufferentia, deuotissimamq; virtutum imitatione, Amen.

Iesus Christus vii plenum ius & dominium super cunctos suos suscepit à Patre electos & amicos.

GLORIFICATIO XII.

Ave fons & origo, inchoatio & consummatio omnium honorum, mellisus mi Iesu Christe: Adoro, laudo & benedico te pro illo inestimabili gaudio, quod habuisti, quando Deus Pater donauit tibi omnes amicos tuos in æterna hæreditate possidendos: quando impleta fuit illa benignissima petitio & voluntas tua, qua dixisti: *Volo Pater, vt sint vnum sicut & nos vnum sumus vt vbi ego sum, illic sit & minister meus: hoc est, vt omne gaudium & omne bonum quod tu ipse & ego sumus, ipsorum sit finis sine.*

Pro adnumeratione consortioꝝ omnium amicorum Dei, Precatio.

O Iesu dulcissime, per illud suauissimum gaudium tuum te rogo, vt abyssus infinitæ misericordiæ tuæ, vsque ad me nouissimam creaturam tuam, viliissimum & ingratisimum peccatorem descendat, quo etiam me inter electos tuos connumerare, ipsorumq; consortio dignum facere digneris, vt vna cum eis habeam te summum & felicissimum bonam, & interminabile gaudium, nunc hic per gratiam, & in patria iugiter per gloriam, Amen.

Iesus Christus vti suis electis discipulis Spiritum sanctum transfuserit.

GLORIFICATIO XIII.

A Ve firmitatem & constantiam omnium electorum, Iesu rex fortissime: Adoro, laudo & benedico te pro illo indicibili discipulorum tuorum gaudio, quo ipsos in ciuitatem regressos & congregatos, Patris & tuum promissum expectantes, iustificasti, dum Spiritu sancto in ignis specie, repentino sonitu descendente, & super singulos eorum sedente, ipsos virtute ex alto induens, roborasti, quatenus in fide confirmati, mysterium fidei & crucis trophæum, timore abiecto, prædicantes, per totum mundum veherent, & per coruscantia miracula fidem verbis darent.

Pro gratia, illuminationeꝝ, Spiritus sancti, Precatio.

O Iesu bone & dulcissime, ne dere linquas me orphanum, sed mitte promissum Patris tui in me Spiritum veritatis, vt mecum sit & mecum laboret, qui doceat me quod coram te acceptum sit omni tempore, qui charitatis, pacis & concordie vinculo corda nostra astringat, vitia expurget, virtutibus & lumine tuæ cognitionis illuoret, Amen.

*Iesus Christus vti matrem suam sacratissimam visitauerit, assumpserit, & supra eun-
dos Angelorum choros exaltauerit.*

GLORIFICATIO XIV.

A Ve flos & fructus matris virginis Iesu Christe, omnium beatorum altitudo, merces & gloria: Adoro, benedico & laudo te pro illo maximo gaudio quod habuisti, quando discipulis de incarnatione tua, iam plenius instructis, & fundamentis Ecclesie erectis, dulcissimæ matri tuæ, absentis filij desiderio ardenti, & amore nimio languenti, completa eius peregrinatione & ex hac miseriarum valle iam migraturæ, rotus festiuus & gloriosus, vna cum vniuersa cœlestium frequentia occurristi, ipsamq; amoris amplexibus suscepisti, cœlestibus melodijs deductam, supra cunctos cœli ciuium ordines sublimasti, & ad dexteram tuam in cœlesti throno collocasti.

Pro Dei gratia, per eius matrem in hac vita augmento, & post eam cum eadem Dei matre glorificatione, Precatio.

O Iesu amabilissime, dator gaudij, largitor solatij, luctus releuator, meroris effugator, qui beatissimam virginem Mariam matrem tuam diuinæ Maiestatis speculum, Angelorum solatium, tuæ bonitatis imaginem, nostræ salutis originem, multiplici gaudio in terris & in cœlis beatificasti, concede mihi pauperi, vt qui ad eam, quasi ad fontem gaudij, in doloribus & angustijs meis fiducialiter recurrere præsumo, ipsius intercessione perpetuo tuam mercedem habere

gra.

gratiam, & post hanc vitam, propter eiu sdem dilectissimæ virginis & gloriosissimæ matris tuæ merita, ad felicissimam illam (qua tecum nunc assumpta gaudet in cælis) statim post mortem perueniam lætitiã, Amen.

Iesus Christus vti in Maiestate ad vniuersale sibi iudicium venturus, & vnicuique prout meruit, gaudia vel tormenta redditurus.

GLORIFICATIO XV.

A Ve retributio omnium Sanctorum, merces magna nimis, requies & corona omnium electorum, Domine Iesu Christe: Adoro te in fine mundi venturum iudicem viuorum & mortuorum, & vnicuique secundum sua merita gaudiorum præmia, aut tormentorum supplicia redditurum. Tibi igitur laus, honor, virtus, & gloria in regno Patris tui.

Confessio: diuina excellentia propria, humana malitia accusatio, & ad iudicium præparatio.

O Iesu amabilissime, confiteor gloriam summæ potestatis tuæ, confiteor veritatem summæ sapientiæ tuæ, confiteor gratiam summæ benignitatis tuæ: Confiteor etiam me reum omnium peccatorum meorum, quia te creatorem meum contempsi, quia te Dominum summæ Maiestatis corde, ore, opere & consensu offendere non timui, in lumine veritatis tuæ non ambulavi, tibi factori meo ingratus semper existi, tibi Patri summæ bonitatis non obediui. Sed quia maior est tua bonitas, quam mea iniquitas, obsecro te per ineffabilem misericordiam tuam, ne peccata mea referres iudicio tuo, neque intres in iudicium cum condemnabilissimo seruo tuo: sed da mihi gratiam contritionis & veræ poenitentia, emendationem totius vitæ meæ secundum omne beneplacitum tuum, compunctionem cordis, lachrymas humilitatis, & perfectionem intensissimæ & feruentissimæ charitatis, vt sic per veram & puram confessionem, per deuotam & perfectâ tuæ voluntatis obedientiam in hac vita, per tuæ sanctissimæ & innocentissimæ passionis, per gloriosissimæ matris tuæ purissimæ virginis Mariæ & omnium electorum tuorum merita, à peccatis omnibus merear expurgari, tibiq; ex toto corde reconciliari: vt sic plenè tibi reconciliatus ac Sacramentis tuis munitus, non ad iudicium de hoc mundo egrediar, sed beato sine requiescens, statim à te sempiternam benedictionem & felicissimam Sanctorum omnium societatem suscipere merear, impetrantibus mihi sacrosanctis tuis quinque vulneribus, quæ in gloriosissimo corpore tuo ad consolationem electorum, & damnationem reproborum refernasti, qui cum Patre & Spiritu sancto viuis & regnas per infinita secula Deus sublimis & gloriosus, ab omnibus creaturis venerandu. & adorandus, Amen.

Libri Meditationum
FINIS.

XX 4 IN